

# KANVO ANN TAD FORICHER

Missioner santel

MARVET EN QUEMPER AR 15 A VIS HERE 1884

---

WAR DON *Kelven*

Silaouet, kristenien vad, silaouet, me ho ped  
 Kanvo a so em c'halon, kanan na ellanket  
 Maro a so eun tad mad, missioner santel,  
 Labouras 'vit gloar Doue, ken a zeu da vervel

Ebars enn parous Goanac'h, drem dostik da Lanon  
 Er bla mil eis kant daouzek, enor vit he ganton  
 E teuas war ann douar ann Abostol santel,  
 Ra gloar bugale Jesus, ken a zeu da vervel.

ENN Plouillo, er Vouster, 'labouraz hep paoues  
 A kals a verc'het santel e nem ra leanez,  
 Da skolian ar vugale, da sikour ar re glan  
 Frerien ha leanezet so bars er renk kentan

O tud vad Lezardreo, c'houi na c'heusket ankouet  
 'No toues he c'hez da genta, gant he Escop kasset,  
 Ha d'ar bevien a roe ar muian ma c'helle  
 Dre douster ha karante an oll a c'honee

Goude a tistroas c'hoas da rei eur mission,  
Dre 'n ners deus he sarmonio 'choneas ho c'halon;  
Nebeut a dud a chomas skornet ho c'halono,  
A vandenno a teuent da glevet he gomzo

Person dimeus a Plufur, a oe eur pastor mad;  
He zousder, he vadelez, gant eur galon a dad,  
Pa c'he·er gador sarmon douche ar c'halono,  
Ar bec'herien kaledet 'deue da skuill daero

Leun a deneridigez bars er govision  
Iac'hat a re gant douster goulio ar galon.  
Ann union a zeue elec'h ar gassoni  
Sakramant ar binigen a zeue d'ho goalc'hi

Da vean missionner gant Doue dibabet,  
'Vit ma kendalc'ho ar fe en toues ar Vretonet;  
Graç Doue a oa ganthan ha dre nerz he gomzo  
E chanchent krem a vue 'vit gonit ann Envo.

Ebarz 'n'eun urz ken santel, gant he vreuder karet,  
Daou ha daou d'ar paroujo e c'hent da labouret;  
Didamant e voink d'ho foan, labourat noz-veure  
Evit gonit en peb lec'h ineo da Zoue

Pedi, kovez, ha sarmon, ha kana kantiko,  
Er fin ar missiō a vinigent kroajo.  
Ann dud a skuille daero pa zeuent d'ho c'huitat  
Dre oll lec'h ma drement a reent bepred ar vad

Goelet a neuz 'rok mervel eur vandennat tud kri;  
Skoet in war ar pave, tollet er meaz ho zi.  
N'ho zra e voant koulskoude ; ann nerz a gommando.  
Krenet 'rak justiç Doue, he dro a arruo.

Ann eost a zeuio prestik, neuse vo dibabet;  
Ar greun mad deus ann *ivrai* a vo dispartiet.  
Re so breman o c'hoarzin, siouaz d'he a woëlo  
Pa woelfont ar grevustet dimeuz ho fec'hejo.

Mar kever tud kounaret eneb lezen Doue,  
A zo ive tud santel ebarz en peb koste  
Hak a impli ho danve da sevel ilizo,  
Ha dre ho aluzono a sav kalz a groajo

Doue a nevo true dimeuz ar françijen,  
Mar tistroont diout-han dre eur gwir binijen.  
Mar n'em stagomp mui ouz mui ouz ann Iliž santel  
A zo galwet gant Doue da ren ar bobl fidel

Hon zad mad a zo maro, he urz na varvo ket  
En despet d'han oll valiç demeuz ann drouk-speret;  
Missionnerien santel 'dalc'ho da labourat,  
Seul vui e voint kastiet; a glasko ober vad

Ann oll vad a nevez groet ann Otro Foricher  
A raio he gurunen en pad ann oll amzer;  
Ar re deui da labourat er bed man evelt'han  
A c'heio ive d'ho zro d'ann env da ziskuizan.

Y. HERNOT.

AVIS. — Ce chant est en vente à la Librairie Anger, à Lannion.

---

Lannion, imp. Anger.